

16

14

20

10

25

05

65

Das vierd  
alter d welt  
Die erst  
gaisel der  
synagog

**I**n achten jar des vierden alter der welt, stritten alweg wider ainandere ir yerliches kunigreich. Und das kunigreich der egyptier ist über wunden von dem kunigreich Nemroth vnd es hat gewunne die marcht babilonis in dem somen nemroth bisz vff Chusimiden, der im nā ain eeliche frawen von den sūnen Cham. Vnd als nun gestorben was Chusimide, darnach nam Nemroth ain andre mit namen Eledem, der rocher tochter jr beslin zū eyner eelichen frawen die hat geboren Elisdem. Aber Elisdem gebat Cosdro, diß hat im zūsamē gesamlet sil krafft vnd ist vff erstandē, wider das reich Cham vñ hat verbrennet alle gegne die do waren in nider gang der sunnen. Darnach im andern jar des kunigreichs Cosdri, des suns Elisde sind versamlet die sūn Cham, vnd abgestigen in das land Libam, auff dz sy stritten mit dem kunig Cosdro. Vñ jr warent drey hundert vñ zwayntzig tausent fußgenger, die allein stecken in den henden hielten. Und als das hertz Cosdron von inen, hat er geschmollet vñd sy gelassen, byß das sy kement über das fließend wasser genant ryger. Vñ da sandt er wider sy, ain menge der streiter die gestigen waren auff die helff (oder elephant) vnd erschlug sy all, also da etlicher auß in, nit ist verlassen. Vñ weiter hond sy sich nit die sūn Cham widerstanden auff das sy stritten mit inen. Vñ zū der selben zyt sind die kunigreich wider ainander verbitret worden. Und im end der vier tausent jar, im xxx jar des obgenanten alters der weldt ist abgestigen in Cham Sambabus der was vō der frūnt schafft jonithi des sūns Noe, vnd hat plunderet von dez fließenden wasser eufrate, bisz zū dem wasser Edroesa, lxxvij stett, vñd jr gegne. Vñ ist durch gangen in drey en yndier kunigreichen, vnd hat verbrent vnd gantz öd gelassen. Vñd ist auß gangen in die wiestnūs Saba

Ende

Anfang